

I PREMIOS DE INVESTIGACIÓN SOBRE O CAMIÑO DE SANTIAGO E DAS PEREGRINACIÓNS

Co obxectivo de fomentar o coñecemento histórico e actual do Camiño de Santiago e das Peregrinacións, así como a promoción e difusión dos valores a eles asociados nas súas diferentes facianas, cumprindo deste xeito cos fins para os que foi creada, a Cátedra do Camiño de Santiago e das Peregrinacións da USC convoca os **I Premios de Investigación sobre o Camiño de Santiago e as Peregrinacións** coas seguintes

BASES

1.- DESTINATARIOS/AS

Poderán presentarse a estes premios todos/as os/as investigadores/as nacionais ou estranxeiros/as que teñan publicado durante o derradeiro ano 2017 un traballo en formato de libro, ou defendido unha tese de doutoramento, que tivera como tema de estudo o Camiño de Santiago ou as Peregrinacións baixo diversos aspectos (históricos, culturais, xeográficos, turísticos...).

Así mesmo poderán presentarse Traballos de Fin de Grao (TFG) ou Traballos de Fin de Máster (TFM), defendidos durante o curso académico 2016-17, que tiveran acadado a máxima cualificación académica (sobresaliente) por parte das respectivas comisións.

É condición inescusable para seren aceptados a consideración polo xurado, que non teñan obtido ningún premio anteriormente.

2.- PREMIOS

Outorgarase un único premio en metálico de 1.000 € para libros publicados e teses de doutoramento inéditas, que irá acompañado dun diploma acreditativo.

Así mesmo outorgarase un único premio en metálico de 500 € para un Trballo de Fin de Grao (TFG) ou de Fin de Máster (TFM), acompañado tamén do correspondente diploma.

Poderán presentarse en calquera idioma, pero de vir noutro diferente ás linguas oficiais da USC, deberán estar acompañados dun resumen de 5.000 palabras en castelán ou inglés.

No caso de que o xurado considere que ningún dos traballos presentados as dúas categorías sinaladas acada un nivel axeitado, poderanse declarar os premios desertos. O importe do premio repartirase en partes iguais no caso de resultar gañadoras varias persoas.

O pagamento realizarase por medio dun cheque bancario nominativo, aplicándose ao importe do premio as retencións legais pertinentes (IRPF).

3.- SOLICITUDES

Contido

As persoas interesadas en participar no presente premio deberán presentar os traballos nun sobre ou paquete pechado, rotulado no seu anverso do seguinte xeito: *I Premio de Investigación sobre o Camiño de Santiago e as Peregrinacións*, e dirixido a Vicerreitoría de Internacionalización.

Lugar de presentación

As solicitudes presentaranse nos Rexistros Xerais da USC, sitos no Colexio San Xerome, Praza do Obradoiro s/n, 1572, Santiago de Compostela, nos Servizos Centrais do Campus de Lugo, Edificio Biblioteca Intercentros, 27002 Lugo, ou por calquera dos procedementos establecidos no artigo 16 da Lei 39/2015, de 1 de outubro, de procedemento administrativo común das administracións públicas. E virán acompañados de:

- Copia do Documento Nacional de Identidade ou pasaporte.
- Un exemplar no caso de tesis de doutoramento.
- Copia cotexada do título de Doutor ou da solicitude do mesmo
- Acta de cualificación ou certificación académica no caso de TFG ou TFM.

Unha vez rematado o prazo de presentación de solicitudes publicárase una lista provisoria de solicitantes. Os/as aspirantes excluídos/as, disporán dun prazo de cinco (5) días hábiles, contados a partir do día seguinte ao da publicación da mesma, para poder emendar os defectos que motivaron a exclusión.

Unha vez publicada a resolución inapelable do xurado, os/as concursantes poderán recuperar a documentación presentada durante os seguintes tres meses. Despois será destruída.

Prazo

O prazo de presentación abrírase ao día seguinte da publicación do mesmo e pecharase o 29 de xuño.

4.- RESOLUCIÓN

O xurado do presente premio estará formado polo Director e co-directores da Cátedra así como por dous membros do consello asesor designados polo Director da Cátedra en función da lingua na que se presenten os textos.

Con carácter previo ao fallo do xurado publicárase a súa composición a efectos de que poidan ser recusados se media calquera das causas de abstención previstas no artigo 23 da Lei 40/2015 de réxime xurídico das administracións.

O xurado valorará:

- A orixinalidade do traballo (25%).
- As novidades das súas aportacións ó coñecemento dos temas estudados (25%).
- A actualidade e calidade da súa metodoloxía (25%).
- A bibliografía citada (10%).
- As cualidades formais dos textos: calidade da redacción, xeito de presentar e estruturar a información e calidade do aparato gráfico, caso de existir (15%).

O fallo do xurado faráse público durante o mes de outubro, e a entrega de premios polos responsables da Cátedra terá lugar no mes de novembro.

Todos os actos derivados da presente convocatoria publicaranse no taboleiro electrónico da USC e na páxina web da Cátedra do Camiño de Santiago e das Peregrinacións <http://www.catedradelcaminodesantiago.com>.

A participación no concurso implica necesariamente o acatamento do que se expón nestas bases.

Contra a presente resolución, que esgota a vía administrativa, poderá interpoñer recurso contencioso-administrativo perante o xulgado do contencioso-administrativo de Santiago de Compostela no prazo de dous meses a contar desde o día seguinte á súa recepción, de conformidade cos artigos 46 e 8.2.a) da Lei da Xurisdición Contencioso Administrativa, aprobada por Lei 29/1998, do 13 de xullo.

Non obstante, os/as interesados/as poderán interpoñer recurso potestativo de reposición no prazo dun mes perante o órgano que o ditou. Neste caso non se poderá interpoñer o recurso contencioso-administrativo anteriormente indicado en tanto non recaía resolución expresa ou presunta do recurso administrativo anteriormente indicado en tanto non recaía resolución expresa ou presunta do recurso administrativo de reposición, ó abeiro dos artigos 123 e 124 da lei 39/2015, de 1 de outubro, de Procedemento Administrativo Común das Administracións Públicas.

Santiago de Compostela, 18 de Abril de 2018

O REITOR

(por delegación de competencias, RR. do 22/09/2015)

A Vicerreitora de Internacionalización

Almudena Hospido Quintana